

開慶四明續志

四明續志卷第三

水利

郡計莫難於鄞水利尤莫急於鄞蓋它郡苗米多撥解總所鄞獨留以贍定海水軍總所者遇歉歲蠲減可毋解惟本府自催自給民賦可蠲而軍餉不可闕歲侵則官病而民亦病必常稔而後可然郡阻山控海山之遙潦海之鹹潮時之旱乾皆能害稼故資水以爲利者於鄞尤急

大使丞相吳公治鄞三年寤寐民事凡磳聞

堰埭某所當創某所當修某所當移見於
鈞筆批判者皆若身履目擊每一令下民未
嘗不感公博濟之仁服公周知之智也鄭白
召杜不足數矣公又於郡城平橋南立水則
書平字於石視字之出沒爲啓閉開慶夏又
雨公委官徧啓諸閘決隄泄水未勃然興至
是民益德之

平橋水則記

開慶元年春
三月戊辰

四明郡阻山控海海派于江其勢卑山達于湖
其勢高水自高而卑復納于海則田無所乎

灌注於是限以碶閘水溢則啓涸則閉是故
碶閘者四明水利之命脉而時其啓閉者四
明碶閘之精神異時加意於碶者至今猶有
遺論此未暇問也而攷其爲啓閉之則曰平
水尺徃徃以入水三尺爲平夫地形在水之
下者不能皆平水面在地之上者未嘗不平
執三尺以平水嗟乎異哉余三年積勞於諸
碶至洪水灣一役大略盡矣己未劭農翠山
自林村繇西門泛舟以歸暇日又自月湖沿
竹洲簾城南徧度水執其平于田塍下者刻

篙誌之歸而驗諸平橋下伐石爲準榜曰水
則而大書平字于下方暴雨急漲水没平字
戒吏卒請于郡亟啓鑰若四澤適均水露平
字鑰如故平橋距郡治巷語可達也都鄙旱
澇之宜求其平於此而已矣余數祈歸老行
且得請然於此郡之豐歉不能忘故置水則
於平橋下而以平字準之後之來者勿替茲
哉

洪水灣

它山堰唐大和中鄭令王元暉所創也溪流派

四明山而入于江潮逆上鹵不可灌限以石堰上溪下江溪流入河分注鄞西七鄉貫于城之日月湖以飲以溉利民博矣然越里餘至洪水灣河流罅而外泄江潮溢而內攻溪江合灣之左右漫爲壑而它山之水始不得東注民久病之溥祐間嘗立石塘以障已而水穴其傍隄潰如昔

大使丞相吳公一日出釣批謂境內磳閘河道措置略備惟它山洪水灣岸圻水泄關繫匪輕委官下都保議於是即其地爲埧三一

瀕江以禦狂瀾一瀕河以防罅漏一則介其
間爲表裏之拓僉謂江之東南有何氏竹木
園當水之衝激其勢而北欲撤其蔽而疏通
之官爲給錢市其業浚地爲江因畚沙以實
二坝之北河隄堅密江水安流矣異時挾日
不雨城內外涸可立待今春夏所至瀆迤謂
非坝之力可乎役始於寶祐六年十二月十
三日畢於開慶元年二月十五日凡爲費二
萬一千六百貫有奇監造都吏王松正將鄭
瓊莅其事者鄞縣簿李言似

買何儀曾園地三十二畝一角二十六步

內一契何津之買趙念一省元地一片計二十三畝二角四十九步價錢六十

貫足內一契林千十一娘男何津買葛子昇戶下千十地八畝二角三十七步

價錢三十貫文九十八陌錢會各半共細計一千三百四十貫四百五十五文

木椿一千五百口計錢一萬五百貫

搭腦八十條計錢一千六百貫

篠二百把計錢三百貫

下椿搭腦七百九十工計錢二千六百七

十五貫

監官人從口券二千八百八十貫

監官主簿特送三百貫

正將鄭瓊都吏王松犒二千貫酒二十瓶

茅針碶

一名茅洲
呼茅碶

茅針碶在慈溪縣德門鄉沾其利者凡鄞慈定
三邑水源有二一自慈溪小江一自餘姚分
水先是碶西五里有趙氏地橫截其前分
水江之流不得通寶祐五年

大使丞相吳公市其地浚爲管山河於是西
江二百餘里之水悉匯於碶之上碶舊有閘
啓閉以時閘廢更爲堰水源中隔而水之利

又不得達于碑之下鄉民列詞于郡亟遣吏
相度遂於舊闢基之傍別爲新闢凡闊三丈
四尺立五柱分四眼眼闊七尺六寸視舊增
九尺臂石二十層凡費錢四萬二千七百一
十七貫米二百一十三碩工始於八月二十
七日畢於十二月五日役成而民不知提督
司法趙良坦監造都吏王松將校林枝竣事
特犒王松一千貫林枝五百貫

續據王松申碑子周亞七雖年老風病尚
能言及源流始末稱此碑自乾道年間前

政判府趙閣學以每畝均錢六十文足委
慈溪鄉官率畝頭錢買辦物料欲援舊比
以行當準鈞判本府既爲民間辦此一事
錢不湏科之都保本府一切自辦以了一
方悠久無窮之利工役之人不若只用軍
兵日增支錢一貫五百文米三升庶可鈐
束

練木碶

一作槌木

鄞塘鄉之田多濱江畎澮惟江流是仰練木碶
東接它山南通大江歲久碶壞鄉民嘗畝率

斗穀簡蕪爲埧迄弗及碑寶祐五年六月民
戶隘詞乞諭里中王其姓者倡斯役

大使丞相吳公遂下之水利官勸諭首以千
券十斛助費已而鄉民見義不勇訟牒紛如
助者僅五千餘緡力綿而役大委之民昌潰
于成公乃一力捐金穀爲之以明年正月二
十八日經始碑當江湖之衝慮其損碑臂也
增新碑爲四眼殺其勢閱三月而碑成凡給
錢四萬四千六百二十八貫九百文米一百
六十八碩五斗四升力役於伍籍費取於公

帑民無毫髮擾持羊酒以勞役夫者日絡繹于道也

黃泥埭

埭在慈溪縣鳴鶴鄉與越之餘姚上林諸鄉鄰潦則上林諸水注而成壑有埭所以泄水于海也然決易而塞難鄉人欲立石閘以便啓閉率以費鉅輟浙東提舉季鏞捐二千緡助鄉民爲之涉歲弗績寶祐五年秋

大使丞相吳公委縣丞羅鎮竟其役丞欲援例計畝敷于民鈞判一堰所費不知幾何若

科畝頭錢必因而搔擾送縣丞限一日具所
費申及申到數目特撥助五千貫仍趣歲前
畢工不許科之下戶茲聞遷延數年一旦辦
集成終之功大矣

新堰

慈溪縣之東德門鄉有新堰捍江潮而護河流
者也堰以圯告寶祐五年八月

大使丞相吳公給錢下縣鼎新修築輦石以
甃江岸二十餘丈堰下水步一所址益豐而
隄益壯水自比東達慈溪定海兩邑之田無

斤鹵浸淫之害風帆浪楫往來下上者胥利焉合橋亭江道頭之費共爲錢二萬三千六百一十貫八百文米一百一十三碩四斗橋亭見于別目所謂江道頭者在堰之東異時堰無道頭行者步齧而堰潰於穴今重甃以石而堰復藉道頭以完固蓋兩便之

西渡堰

堰東距望京門二十里西入慈溪江舳艫相銜下上堰無虛日蓋明越往來者必經由之地淳祐間稍加葺治未幾堰復壞寶祐六年八

月

大使丞相吳公給錢五千七百三十九貫五百文委司法趙良坦同副吏許樞監蒞修築伐石輦材費一出於公所濟博矣

北津堰

北津堰舊圖經曰北清在鄆縣西北二里堰多歷年所外受江潮之衝木者朽而石者頽上之穹然高者今窪然下矣秋潦至則鹵灌于河農以爲懼舟楫之往來者亦病之寶祐元年二月

大使丞相吳公命司法趙良坦同副吏許樞相視興工因其舊而增高焉內分兩傍各甃砌堰臂七層鼎新造車屋四間又堰之東有小徑由鄭公渡之江北可達定海澥浦里溪文溪等處崎嶇不便於行者輦石併修治之遂爲坦塗蓋一舉而兼水陸之利去凡爲費一萬五百四十一貫文

林家堰

鄞縣東五里手界鄉曰林家堰者十餘年間補苴罅漏不足以爲江湖之蔽障每巨濤澎湃

則斥鹵浸淫積潦久之則又滲漏于外不獨
為民田害抑亦不利於舟楫先是提舉常平
嘗捐三千券下之邑俾議修築官若吏憚費
夥弗祇服厥事

大使丞相吳公因民之請更以石為之培其
高濬其深視舊址舒以長添甃石塹修蓋車
屋補築土塘自是民田有灌溉之益舟楫無
險阻之虞里之任役者亦免歲時修治築塞
之勞以寶祐五年十二月給錢三萬四千一
十七貫七百文命司法趙良坦都吏王松監

視
年
月畢工

黃家堰

黃家堰在慈溪縣德門西嶼先是本府浚青林河鄉民有請以為河在堰頭淘浚深廣至徐家港接顏公渠并新浚監堰河里溪橫港及定海鷓鴣澗浦香山杜郭德門西嶼茅針闌周圍三四百里脉絡貫通請以顏家堰南岸置堰庶幾不候潮汛徑取城西北兩門而往來免風濤盜賊之虞既而夷攷此地元名黃家舊堰司法趙良坦親蒞其事廣諏衆議遂

於舊堰興築與里溪堰對峙北郭西門通濟
無礙勢若曹娥梁湖往來便之董役者正將
鄭瓊僧祖倫吏王松始寶祐五年冬十二月
不一月竣事費止二千緡利博矣

支浦閘

開慶元年五月二十六日

大使丞相鈞判近日雨水過多低田可慮內
慈溪縣已差統領吳雄前去開放倪家刁家
兩堰通泄積水因訪利病本縣惟東鄉一帶
和尚庄清水湖趙家洋顏家庄等處兩堰之

利不若建閘一所惟支浦最爲利便可差林
枝前往抱子閘移拆無用舊閘前去支浦江
岸創砌閘一座庶幾東鄉闊遠田地永無水
患之虞仍委權縣提督務在速辦旣而因公
劄之請復委司法躬親契勘的實利病旣得
其詳則以七月十一日興工里人沈國諭樂
助米三十碩陸日宣樂助五千貫公雖不之
拒然謂當使抵郡以來凡爲民間興利之事
皆係本府自辦錢米今除此二項外不可更
類科配以失自來美意若尚闕用更當添撥

閘分三眼址堅勢固一方自此蒙利矣允費
錢一萬五千六百貫米六十碩

江東道頭

靈橋門之東大江橫截於是造舟爲梁民賴以
濟卒遇大風兩舟壞則往來病涉不得已於
其側撐舟以渡行者走泥淖中褰裳就舟則
沾體塗足尤匪便

大使丞相一日出釣旨命禪校於東西岸寘
木疊石立兩道頭以便絕江登舟者因扁曰
濟川焉浮梁以濟舟楫之所不及渡頭又以

濟浮梁之所不及萬口誦之

永豐碑

它山林村之水南來數十里而入郡郭縈紆回
環由西北隅出而始注諸江霖潦洩弗及城
西偏皆冒沒淳祐間立保豐碑俾由城西徑
入江當時詫以爲水利之大者然人力不至
閘不過兩眼廣不過丈餘隘而溢始益病開
慶元年夏

大使丞相爰究爰度得水勢逕直之地於其
右創爲永豐碑五柱四門闊三丈六尺深四

尺餘堅密雄偉雖湍流至此亦不見其爲搏
躍也役成民始知公之規模迥異矣允費錢
四萬七千九百一十六貫米一百三十七碩
四斗

開慶碑

碣舊名鵲巢在鄞縣手界鄉鎮甲舊志所書已
廢爲田開慶元年夏

大使丞相興水利者徧乎四境因思是碣濱
江不復則曷其福江以東之民乃撥錢四萬
五千八百貫米一百二十四碩委官創爲之

既成河流不復滲海潮不復入矣遂名曰開
慶礮公之命是名也意蓋不止斯役而已東
錢湖八十里而芟葑半塞焉寶慶間史衛王
當國以僧牒米斛助浚之人服王之不私豪
右也今不浚者又三十年公方將有事於東
方則斯役特其發軔耳因併及公之心云

鄭家堰

鄭家堰即俗呼鄭十八郎堰也在城南半里江
行欲入河者舟必自堰而上或由甬水門入
城或道城西南諸鄉皆喉襟乎此壤久無葺

之者公命統領吳雄督工重造椿石支役之
費為錢二萬五千緡米一百碩皆成於開慶
改元之七月六

管山河

大江由丈亭分派四十五里至慈溪之夾田橋
橋南五里民田阻之江流不得直達迺迂出
其旁旱歲無沾丐利潦則泛濫墟落苦之寶
祐五年七月

大使丞相以錢一千五百三十一貫四百一
十五文市民田墾河五里長七百丈有奇開

三丈六尺深一丈六尺九支軍兵日券六千
四百九十貫水由是達茅針磯鄞慈定三邑
皆蒙利焉

諸縣浚河

大使丞相寶祐五年冬以水利局命法曹掾趙
良坦董其事是歲諸邑淤河浚港悉浚深之
昔之涸可待者今維水泱泱矣因條于左

慈溪縣德門鄉

四都自李溪橫港取馬徑港二千七十
丈

五都自監河取朴木廟八百八十丈

自寶慶寺後至張家港六百五十

丈

自李溪閘河五百二十丈

六都自徐家港取監橋河一千四百八

十丈

自徐家港取青林大河取顏家堰

河二千六百一十丈

自徐洋閘至鱗浦顏家堰河三千

一百丈

慈溪縣西嶼鄉

七都自東河下南堰至王家漕五百四

十丈

八都自斗門河五百丈

定海縣清泉鄉

四都邢家港三百五十丈

周家港至半練村河三百七十八

丈

倪家港二百一十丈

華家港一百四十丈

杜禮港五百八丈

樓下港三百二十丈

上河港二百五十丈

徐家港二百五十丈

夏家港二百五十丈

李家庄港三百三十丈

中河新港一千三百八十五丈

蔣家鱸港二百九十一丈

周家港一百八十三丈

程家港二百五十丈

短甃港二百八十丈

黃剡港二百二十二丈

虞家港四百五丈

三石橋後港五百五十丈

曾家港七百四十八丈

陸家港二百二十丈

傅家港一百九十丈

鷓鴣港二百五十丈

趙家港三百丈

桂思橋港二百五十丈

五都半練村港五百五十八丈

沈堰北村一千九百三十八丈

沈堰南村一千一百八十五丈

古塘北村一千八百九十八丈

古塘南村一千三百五十五丈

感孝村八百二丈

壓塞東村一千七十九丈五尺

壓塞西村七百五十八丈

漏興村一千四十二丈

定海縣靈巖鄉

一都自育王嶺下至石湫頂耳橋一千

八百六十丈

二都自石湫市至槎浦壩一千一十二

丈

自水徑頭取方家橋二千五十丈

定海縣太丘鄉

一都自十字港橋至黃山頭六百五十

丈

地埭堰河八十丈

二都自黃公漕至清水橋一千四百一

十丈

三都自下河楊木橋堰至施店一千八

百丈

自上河楊木橋堰至寶雲廟三千

丈

雙河堰

雙河舊有堰閘在慈溪之鳴鶴與越之餘姚上林鄉接境上林居西而地勢高鳴鶴居東而地勢下以雨上林之水東注鄰壤為壑置閘以限之然舟行則閘啓而水之患如故近歲

鄉人曹氏於閘之左為雙河堰以便車船意亦善矣而捨堰而趨閘者則不可過也鄉人病之開慶元年五月請于郡

大使丞相委制幹趙若埜泣其事俾塞雙河閘為實地給錢壹千貫於雙河堰之傍立屋兩間四挾擇巨木為車柱埋石備纜悉如諸大堰之制已塞閘基之上則為屋三間以處堰丁曹進士且措置撥租餘五十碩以供打造索纜之費焉規模一定自此永無浸冒之禍矣

四明續志卷第四

興復省併酒庫



周官設酒正掌酒之政令以式灋授酒材逮漢則令官作酒以二千五百碩爲一均率開一盧以賣權酤之利國實賴焉鄞爲郡瘠賦之入者約費之出者廣於是操其贏以濟其乏酤之賴維多甚非其得已也城內外諸縣庫務坊場曰酤酒東庫曰香泉八庫曰江東慈福庫曰下莊務則舊管者也曰酤酒西庫曰江東贍軍庫曰鮎崎庫曰東門庫曰寶溪子

庫則

大使丞相吳公新創者也曰林村庫曰小溪
子庫則昔敗闕而今興復者也曰省務曰稿
賞庫曰江東庫則又今廢罷者也或官給本
錢或聽民抱息或官吏監臨或軍將措置或
兼令外庫管紹趨辦或以所廢庫本錢併歸
他庫拘解日額凡皆酌地里之均計公私之
便究興廢之宜以爲分合酌重輕之則以課
盈虧公之憂此鑒焉其明衡焉其平官有所
埤益而民亦安之外有五鄉喫奉化慈溪象

山江口南渡東溪東吳大小榭郭宅澥浦松
林翁山大嵩等務場隸經總制司具在別目

醅酒庫

元管東庫一所本錢三十萬貫年收息
錢獻錢缸頭錢四十九萬六千一百七
十七貫五百六十五文會一萬二千八百
七十七貫八百五十五文省寶祐四年
十月併省務公使庫鶴賞庫為一庫添
創西庫以補公庫之虧令給本二十萬
貫作東西庫分抱息錢一年收九十四萬
九千二百七十九貫一十四文會一萬
二千八百七十九貫八十五文會一萬
東庫職級李拂西庫樓址措置管幹
比舊額增收息錢四十五萬三千一
百二十一貫四百五十四文十七界
今月以四月至八月終除小盡三日東
西庫各日發一千一百六十貫五百六

十八文會一十八貫
百八十二文省

犒賞庫

寶祐四年十月住既以海晏梅日額本
 錢四萬一千五百八十貫文撥付犒庫
 越辦日拘息錢六十六貫納犒賞庫
 六年拘回元本零錢一千五百八十貫
 淨本四萬貫撥歸慶元府理為賣
 橋日納息錢改赴公使軍交收

城外香泉庫

元管八庫本錢五萬貫文年收息錢缸
 頭錢貼買稅錢五十一萬三千七百六
 十七貫四百八十四文會一萬四千九
 四十二貫三百四十一文省寶祐四年十
 一月以數內江東一庫改為瞻軍庫收
 上元本一萬貫今七庫本止存四萬貫
 年收息四萬九千六百六十八貫
 八百文會一萬九千六百六十八貫

文省士產戶陳
暉等七名分抱

旺月以九月至三月終除小盡三日
發一千三百五十五貫二百文會三十

三貫六百二

十二月文省
冷月以四月至八月終除小盡三日
發一千一百三十貫二百文會其省錢

如旺月
之數

江東慈福庫

元係香泉子庫不給官本
年收息錢一萬八千一百四十八貫三百八十八文會
日發五十一貫二百七十九貫九百八十八文
六日內九千四百三十九貫九百八十八文
係夏子仁柳成之抱認餘八千
七百八貫四百文香泉七庫貼

江東贍軍庫

見坐本錢八萬貫文年拘息錢
貼買稅錢一十五萬八千八百三十九
貫六百八十八文會三千四百一十五
十二文省提督官統領吳雄措置正將

鄭瓊機察
副新童寅

旺月以九月至三月終除小盡三日日
發四百八十一貫九百二十文會八貫

五百八十
八文省

今月以四月至八月終除小盡三日日
發四百一貫九百二十一文會其省錢

如旺月
之數

定海縣烏崎頭庫

寶祐五年七月據吳巒卿乞不支
官本管抱息錢年納一千貫文會

林村庫

寶祐五年二月給本錢二萬貫文日拘
息錢二百七十貫文會續減爲一百五
十貫再減爲一百三十貫四百六十文
歲納四萬五千四百貫八十八文會每
合解拍戶版帳錢二千一百一十二貫七
八十九文會於內分撥經總制司一百
四十一貫四百八十八文司二十六
貫七百二十四文常平司九十二貫七
百四十八文慶元府一千
七百五十一貫八百三十三文

寶溪子庫

寶祐五年十月據黃迪功登乞抱納日
息錢六十貫文會六年別召募鷹進之
管紹趁辦借本錢一萬貫文會歲
抱息二萬一千二百四十貫文

小溪子庫

寶祐六年正月據黃迪功澄乞抱納月
息錢四百八十四貫三百五十五文會

不給本錢歲約五千八百一十二貫二百文會

奉化縣鮎埼庫

寶祐四年十一月契勘到有無敗闕因
依據監鮎埼鎮權巡檢薛迪申元納
通判東廳常平糶本司月息錢會三十
貫四十五文慶元府錢會二十五貫一
百七十文遂具申朝延差黃澄迪類
監鮎埼庫將已廢罷省務銅朱記一類
錢下庫收管給本錢四萬貫置買庫基
屋宇又一萬貫糶麥納欠八千貫日拘
本府息錢五百貫六年十二月黃迪功
再借三萬貫往平江府收糶米麥尋委
制司準使張鏐前去點檢執行提督仍
關三萬貫前胡珙王繼善文拈監約元
元關錢拘上胡珙王繼善文拈監約元
衝息錢三萬四千貫續據黃迪功解納
一萬四千六十貫少欠四萬八千貫文
其張鏐界內自十一月以後日拘息錢

每半月一次解發
七千五百貫文會

東門庫

寶祐四年十一月先撥本錢一十萬貫
文差都吏王堯將校翁禧措置年拘息
錢十八萬五在三月市戶李珏張從龍
乞熙王堯例開抱以息錢對撥支散水
軍十月水軍申本庫兩旬無發到錢數
遂委李軍交併酒庫就任責措置十
二月本軍申乞止存留本錢五萬貫自
六年正月始不以冷旺月納息錢一
萬貫細作見錢五百一十貫足抵充軍
券續監張從龍李珏回納一半本錢五
萬貫銷落實椿之數六年五月鄭迪功
增歲額爲一十三萬開慶元年正月鄭
迪功又乞量減息遂成通減五月千
貫實管年額一十二萬五千貫三月管
庫僧了生與水軍統領連忠交爭仍撥
付軍中抱認開醮所存官本年拘息錢

並如舊

下莊務

舊例每年於仁城都稅院定海稅場大
萬等鹽場各差合千人充本務專知赴
辦官課開慶元年二月撥大萬等鹽場
申乞免差人充重難歲抱七萬二千貫
文作四季解發內以六萬四千三百九
十五貫約樁公使庫一年專知合陪貼
之數三千一百五貫於經總制司令項
酒息內添撥八千六百貫撥作本務合
解諸司錢及據兩稅務貼助三萬五千
貫以一萬五千貫發下廣惠院二萬貫
公使庫
收附

經總制司

范蜀公嘗言密院主兵三司主財則有各不相知之弊至和間遂請密院三司通知兵財制爲國用蓋欲兵財脉絡貫通也上而

朝廷次而制閩同一理耳軍餉之權容可貳乎沿海新舊水軍凡六千人若衣若糧皆給於府獨券錢府給二千人餘四千則通判東廳以經總制司錢給之歲久而弊倖廳官若吏間以餉軍之錢資泛用豐私橐而軍額率虧數苟且循習非一日吁兵統於制閩而財

給於郡佐事權不一宜其弊至此也

大使丞相吳公熟錢穀甲兵之問於廟堂又
矣寶祐四年來開大閩報政之五月數軍實
攷貨源亟請于

朝以經總制司歸之制府自催自給且得
旨創大使司物斛官一員拘確之理順勢便
故招刺皆驍勇而尺籍不至空虛給餉易辦
集而

朝廷不煩科降今以未撥歸制司以前攷之
寶祐四年十月分月幫水軍官兵券三千三

百六十五人錢會紐計十七界一十六萬一
十六貫二百四十文米計二千八百六十五
碩三斗一升自撥歸制府後開慶元年四月
分月幫軍兵券三千八百六十五人錢計十
七界一十七萬七千八百八十一貫五百七
文米計三千三百七十六碩九斗五升二合
五酌以今比昔則添刺軍兵五百人一歲增
幫錢二十一萬四千三百八十三貫四百文
增幫米六千一百三十九碩七斗一升及添
造五百人七事軍裝通支錢一萬二千一百

八十四貫六百二十文軍政脩明兵食充裕
成效昭然視在倅廳時大有間矣申請次第
及修復經總制坊場條列于左

省劄

寶祐四年十二月二十八日準

省劄備據沿海制置大使司狀照對本司近
曾具申

朝廷乞將慶元府通判廳給遣定海水軍四
千人窠名錢物撥歸本府就行拘催并餉新
舊兩軍恭準

省劄坐下照得通判廳有起解農寺與夫諸
府俸料併主管官茶湯錢及其它公費皆仰
于此今若盡歸本府亦合先與區處使解發
者有所指擬仰給者不至乏絕庶幾乎允否
則通判自此別無職事而廳分可廢矣此其
爲通判之慮甚悉然事體實有委折只得詳
細稟控蓋本廳之供餉水軍不過經總制司
緣倖廳權輕諸縣多有拖欠其間又有簞簋
不飾之人虛支妄用有若泥沙所以舊軍四
千人係通判廳之所給餉者額常闕數百人

本司雖欲盡行招刺亦恐倅廳事力不給
或至它虞故亦不敢放手今連準

密劄措置海道招刺闕額今四千人之額將
闕千人矣本府何幸可省千人之月米然非
所以爲公家計也所以欲得將通判廳給餉
水軍錢物徑從本府拘催庶幾錢錢字字皆
有着落而千人闕額亦可填補此區區申請
之本旨也若曰諸府使臣俸料歲不過二三
千緡舊例所在本府自應接續幫支無緣復
以強之倅廳若又曰通判廳別無職事則却

非所慮蓋通判廳除經總制司之外其所管者又有常平司則所催者坊場河渡正名錢五分及六縣役錢以奉

內藏庫左藏庫等處之經常者也又有糴本司則催諸縣酒稅分隸錢及坊店戶四分錢而奉農寺之經常者也既有窠名則有催理其職未嘗廢也况給遣之錢除經總制司合收之數又多係本府應副貼助則歸之本府自催自給似合事宜兼潛忝以舊弼旬宣通判固在按察之內而財賦支遣多與本府相

關自從制司拘上催理在通判廳亦所不靳
緣潛嘗服韓魏公之言曰琦昔爲宰臣惟有
奉行

朝廷命令每事稟命

朝廷故雖此細故亦必申聞

朝廷取

旨揮者正前脩之遺意亦將以爲今日諸道
岳牧之倡也然可否忱不敢自必但若以體
統而言水軍六千人衣取給於本府米取給
於本府內二千人券錢亦取給於本府獨四

千人券錢取給於倅廳於理勢自是不順欲望

朝廷更賜詳酌施行伏候

旨揮奉

聖旨依右割送慶元府本司將拘到錢每年起發降本錢三萬四千四百貫文十八界見作六綱起解赴行在省倉和糴場交納及起發六文煮酒錢四千五百貫文十八界作一綱起發赴行在封樁下庫交納外及每月中下兩旬支散沿海制置大使司水軍官

兵券食等錢及諸府第香火官親兵衣料錢
次年攢具總收支細帳申省部攤筭理豁
續寶祐五年十二月空日準尚書省劄子

節文沿海制置大使司申

去去

今本司見蒐

補卒乘招填定海積年闕額水軍所急者錢
糧擬照沿江諸閩例創置物斛官一員小貼
子潛又照對定海水軍爲額六千人舊例四
千人係通判經總制司給餉二千人係慶元
府給餉緣通判廳專以餉軍之錢爲非泛之
用其貪者則捲爲囊橐大約通判一任入已

之錢不下三四十萬緡因此四千人軍額常
闕數百人上下蒙蔽所謂制臣亦未嘗過而
問焉天下之弊其可爲哀痛類此久知此蠹
去冬即具申

朝廷乞將通判廳經總制一司錢物就本司
自行拘確招填闕額近已收刺將及四百人
皆沿海亡命之徒人人拳勇可用給等下錢
百千七事件衣裝一副每副該三十貫五十
五文一卒之費共一百三十貫五十五文皆
取之於經總制一司上不費

朝廷科降下不費州郡那移雖月糧及春冬
衣賜取之慶元府本府所不敢靳然經總制
司錢物尚有贏餘可以通融補助月糧衣賜
之費但通判廳官吏昔奢今儉昔汚今清未
免仇視本司今來本司所以乞照沿江諸閩
例創置物斛官一員者正欲專一招確上項
錢物永爲定海一軍隨關隨拘之用其於海
道防拓關係非小欲望

朝廷再賜劄下本司永爲遵守其慶元府及
通判廳更不許干預實爲悠久利便併乞照

會十二月十九日奉

聖旨並特依

一每年申 省部出豁高額錢

朝省以紹興二十九年爲額歲拘四十一萬貫以後止赴到二十三萬有奇遞年以省部印下書填收支季帳及戶部截撥收支旁帖具申出豁

一諸縣窠名

鄞縣

戶長役錢夏秋兩料每料九千四百四十

三貫六百八十二文錢會

小溪酒坊生煮酒錢年管一千五百一十

二貫五百四文錢會

一半元係本坊解發寶祐六年正月

鮎崎酒務申請作子店年解

七千四十一貫六百文十七

界

一半係建畧坊店戶送納

林村酒務舊額月取六十貫錢會今月撥

一百四十一貫四百八十文十

七界

下莊酒務年管四百五十五貫七百文錢
會元係財賦司拘納今撥歸經
總制司却於諸項酒息錢內年
撥八千六百貫文十七界

本縣豐樂鄉頭子錢夏秋兩料各一十四
貫一百四十四文

丞廳武康鄉頭子錢夏秋兩料各一十六
貫九百一十三文錢會

簿廳武康鄉頭子錢夏秋兩料各七貫五

百六十文

尉司手界鄉頭子錢年管三百六十貫錢

會

奉化縣

丞廳戶長免役錢共管七千八百六十七貫四十文錢會

稅場錢年管四百三十四貫二百二十八文錢會月分解發不等

慈溪縣

本縣戶長錢四千八百貫文錢會

稅場錢年管七百二十貫文錢會

象山縣

簿廳戶長免役錢年管二千一百七十一貫三百二十八文錢會

酒務

生酒錢三百一十貫一百四十文錢會
煮酒錢二百七十五貫三百四十六文錢會

昌國縣

本縣省司錢年管一百二十二貫三百四

十文錢會

丞廳

戶長錢年管一百三十一貫四百六十

四文錢會

免役錢年管七百七十二貫八百二十

四文錢會

定海縣

本縣房廊錢月取一百二十文

林村六分錢月取九百二十文

丞廳戶長錢二千三百五十七貫九百一

十四文

稅場錢年管一萬三千七十七貫六百二
十四文鐵會

一諸縣合發本司隨母頭子錢各照則例隨解
發多寡計筭在府倉庫每月分
撥錢亦同

一每年本府科撥錢

生酒錢一萬六千一百六十九貫五百六
十二文十八界

煮酒錢一萬三千二百貫文十八界

省務本色煮酒三千三百九十五瓶各三

升照時價計錢二千七百一十

六貫五百四十八文十八界

助軍錢三萬貫文十七界

市舶務對兌錢

舊支軍券多闕見錢市舶務高麗日本及蕃南販船

邊抽解拘到一半五分見錢內許本司將十八界會子對兌見錢五分之二係用一貫新會兌一貫見錢湊散軍券自經總制司撥歸剩司未曾對兌奉鈞判照舊例對兌一半

一每年令項科截縮六千二百疋綿一萬三百

五兩四錢轉變價錢湊發綱運

軍券支遣

鄞縣絹一千五百疋綿一千四百兩

定海縣絹九百疋綿七百五兩四錢

昌國縣絹一千八百疋綿五千二百兩

慈溪縣絹七百疋綿五百兩

奉化縣絹一千三百疋綿二千五百兩

象山縣不曾科

興復經總制諸酒務坊場

渡附

一奉化酒務元係本府給米麩本於內歲解經
總制司額錢後改爲萬戶徑取淨息生煮酒

年取二千三百貫有奇寶祐六年六月以白
劄子陳請酒司與行頭均敷酒息重為民擾
乞仍舊貫立官務遂給八千貫起造務屋仍
撥本錢四萬貫并造麪用夫工飯米三十碩
興復措置每月發錢二百三十貫九百八十

文十八界

一慈溪酒務元係本府給本於內歲解經總制
司生煮酒額錢二千二百貫有奇嘉熙間風
水之變務屋頽毀遂令拍戶抱賣取淨息又
而私酤行額失其半拍戶屢詞乞復舊務遂

重建務屋給本九千貫十八界自淳祐五年
九月為始月取息二百一十六貫六百八十
文十八界

一象山酒務寶祐五年三月據象山知縣劄子
乞本府差官措置本縣酒政遂撥錢二萬貫
委官下縣措置全年息錢七萬貫候解到年
撥二萬貫下廣惠院

一翁山酒坊管下子坊一十五所元係民戶抱
納通判東廳額錢嘉熙四年因府第攘奪白
泉子坊遂改坊為萬戶任從民間醞造却將

額錢攤抑一縣有物力之家續額錢無歸民
戶被害遂有坊場改萬戶貧富齊受苦之謠
詞訟紛紛制司曾申 戶部久而未復寶祐
四年沈修武等曾 進狀乞抱坊備本酤賣
續又經制府陳乞借本興復年納淨息三十
萬貫蒙

大使丞相吳公申 省照應仍於經總制司
借撥十萬貫其所抱三十萬貫與減六萬貫
分作十二箇月起解五年四月申 省奉
聖旨特依續將收到息錢每年支撥下郡庠

充養士廚食錢水軍制領將佐供給錢新創
諸屯水軍及出海巡連探望把港軍士生券
本府六局衙番鹽菜錢數見砂岸奏劄

翁山坊月納三千一百二十四貫七百三

十六文

翁浦坊月納五百三十二貫五百一十二

文

黃公坊月納一百七十七貫五百四文

厲舉坊月納七百一十貫一十六文

岑江坊月納一千六十五貫二十四文

大蘆坊月納七百一十貫一十六文

冊子坊月納二百六十六貫二百五十六

文

北界坊月納一千一百五十三貫七百七

十六文

崑斗坊月納一百七十七貫五百四文

岱山坊月納六百二十一貫二百六十四

文

白泉坊月納三百一十貫六百三十二文

馬秦坊月納三百五十五貫八文

小砂坊月納四百八十八貫一百三十六

文

防海坊月納七百一十貫一十六文

大小榷酒坊寶祐六年撥錢二萬貫差人

措置開酤月解息錢無定額

定海縣解浦坊寶祐六年十月據蔣副尉

狀乞就府庫關本錢一萬貫措置

開酤年解淨息二萬貫其常平糴

本司錢自經通判廳送納本司遂

就經總制司庫撥本錢二千貫十

八界月拘息一千六百七十貫十

七界

五鄉硯酒庫舊來冷月解息五千一百貫

小盡減一日熱月七千八百貫寶

祐六年十二月劄鄭議事措置月

解四千貫仍給本一萬貫元年正

月又於莆陳石湫各置子庫一所

每庫請本錢五百貫月增解息錢

五百貫

大嵩等八坊寶祐六年十月通判盧奉議

申任輕職薄縣道不相體察上臺
絡繹追逮官吏乞索上常平司坊
場就制司併行措置遂委薛修武
措置關請官本二萬貫下大嵩坊
外自餘七坊不願請本仍抱納息錢

大嵩坊年納息錢三萬貫

韓嶺坊年納息錢九千三百九十一貫

六百八十文

館江坊年納息錢一萬七千貫

富浦坊年納息錢一萬六千貫

慈舉坊年納息錢一萬六千五百貫

下水坊年納息錢一萬七千貫

鹽場坊年納息錢一萬八千貫

東宿坊年納息錢四萬三千貫常平司

并本府版帳錢在內

已上八坊常平司正名五分糴本司

四分錢本府六分版帳錢並在內

象山縣東溪坊元本府額錢七十五貫汪

湘增作二十九貫六百元錢會抱

撲當年續據厲必達於本府額錢

增作四十貫六百文又增抱每年
息錢作六千貫攬抱及給榜曆後
更無分文交納注湘陳乞仍舊抱
撲財賦官書擬息錢照厲必達增
抱數其本府六分錢仍舊作二十
九貫六百文奉 鈞判照行仍將
六千貫與減二千貫少懲厲必達
之妄

奉化縣江口南渡坊開慶元年三月汪籌
抱撲除常平司正名錢外年解息

錢二萬貫

慈溪縣郭宅坊久廢僅存坊基村民布麥
其上坊戶拖欠每年止納常平正
名四五分錢年管一百五十二貫
五百八十文錢會月納大使府錢
三十九貫九百六十文錢會率是
拖欠開慶元年三月本縣申乞併
入縣務止就坊界內創兩都店年

解息錢

象山縣姜嶼渡年納官錢二百貫文錢會

係開慶元年三月增抱

東溪坊八十八戶抱店庾富總納每月息
錢一千五百貫

蠲放一分酒錢

開慶元年五月二十二日奉

鈞判批銀牌兩司見行祈晴今有寬恤事件
數內制司興復常平酒坊應人戶抱納額錢
成年課利並與十分減免一分其抱坊人亦
合於拍戶遞減以示優恤今具諸坊減免數
目下項

翁山坊減免三千二百一十三貫一百文
翁浦坊減免一千五百二十貫九百八十

文

黃公坊減免五百六貫九百九十五文

厲輿坊減免二千二十七貫九百八十文
岑江坊減免三千四十一貫九百七十文
大蘆坊減免二千二十七貫九百八十文
冊子坊減免七百六十貫四百九十二文
北界坊減免三千二百九十五貫四百六

十八文

崑斗坊減免五百六貫九百九十五文

岱山坊減免一千七百七十四貫四百八

十文

白泉坊減免八百八十七貫二百四十一

文

馬秦坊減免一千一十三貫九百九文

小砂坊減免一千三百九十四貫二百一

十六文

防海坊減免二千二十七貫四百八十文

烈港坊減免四千四百三貫五百九十二

文

大嵩坊減免三千貫文

韓嶺坊減免一千二百貫文

館江坊減免一千七百貫文

慈輿坊減免一千六百五十貫文

富浦坊減免一千七百貫文

下水坊減免二千七百貫文

鹽場坊減免一千八百貫文

東宿坊減免四千三百貫文

江口南渡坊減免二千貫文

解浦坊減免二千貫文

東溪坊減免四百貫文

東澳坊減免一千八十貫文

大小榷酒庫無定額

廣惠院

皇朝以仁立國凡惻獨廢疾皆有養

大使丞相吳公九更藩閩所至必創廣惠院以活窮民寶祐四年秋九月繇舊弼來判軍府事越明年春正月即省務舊址創院屋一百五間合城內外六廂療寡孤獨瘖聾跛躄者廬焚斲額以三百人視年之老穉為給之多寡請於朝撥淘湖米千碩郡又增置田租且歲撥錢四萬緡充費錢為緡餘七萬八千緡為解餘二千二百若嘉若年悉且此歲

續志卷四
所入之九也於綱解常賦無與是歲冬十一
月準 省劄奉

御批令天下諸州建慈幼局必使道路無啼
飢之童務要民被實惠公前所行蓋與
聖心默契矣規式井然載諸碣石可攷

記

恭惟 本朝 聖聖相承深仁厚澤滲漉宇宙
肆我

主上嗣無疆大歷服仁培而愈厚澤濬而愈
深用能延洪有

宋億萬年之基雖遭時之難三邊用兵久不解甲而本根不搖其所扶持憑藉遠矣潛服勞中外歲垂三紀事

主上取久熟知德意志慮無宵旰不在赤子故鞠躬受任符節者十二三惟以撫摩愛養爲主忱不敢鄙夷其民而於窮苦廢疾者尤不敢忽也且自古言治莫盛於帝王其在堯舜則曰不虐無告不廢困窮在禹則曰子視天下愚夫愚婦一能勝子在湯則曰子惠困窮在文王則曰懷保小民惠鮮鰥寡在武王

則曰無虐瑩獨在成王則曰其不能誠于小
民又曰以小民受天永命帝王治法之綱領
蓋具於此而豈高明威富去乎哉四明爲浙
左大都會城邑井市人物阜繁則夫鰥寡孤
獨與瘖聾跛躄之民宜不能免焉自強大之
家豪奴黠隸極智術以牟利而齊民之生理
日迫蹙以至於竭齊民困則窮民益困於是
鰥寡孤獨瘖聾跛躄之民得其生者鮮矣自
淳祐初柄國者立爲厲禁常平義廩之儲有
司不得擅發凡窮民遇歲晏始一濟所濟者

狹而受濟者寡於是鰥寡孤獨瘖聾跛躄之民得其養者又鮮矣此固長民之官所當視猶飢渴者也屬初莅郡編核浮淫之蠹併省酒務得弊屋一區亟加繕葺且增創新楹合前後共一百五間聚城內外鰥寡孤獨瘖聾跛躄之將溝壑者使居焉以三百人爲額大口月給米六斗錢十千中口四斗七千小口三斗五千所費皆不取於郡之經常庶幾其可以久也前輩有言士大夫苟有意於及物由一命以上皆可行志天下安有不可爲之

郡哉為之者疾用之者舒正辭明義禁民為
非毋以寵賂相尚毋以脂膏自肥而又能窒
罅漏而杜蔽欺則財常足矣以餘財而及民
物詎非行志中之一樂哉或曰城邑市井之
民固幸矣如田里何廼復捐羨錢一百四十
七萬三千八百五十五貫文預為六縣人戶
代輸寶祐六年折帛以寬布縷之征做補助
之義焉若本院田畝之數金穀之入規畫之
詳具刻左方後之君子其相與附益之以克

廣

聖天子德意志慮於無窮去寶祐五年良月朔觀文殿大學士光祿大夫沿海制置大使判慶元軍府事兼管內勸農使金陵郡開國公食邑五千八百戶食實封壹阡陸伯戶吳潛記

規式

照得諸路州郡皆有養濟院以處鰥寡孤獨瘖聾跛躄無所依倚之人雖常平法有養濟錢米自

朝廷拘確義倉州縣不許擅行支移而鰥寡

孤獨瘖聾跛躄之人每隆冬盛寒止支給三月而已然亦不能徧及此郡乃浙左雄邦人民繁庶有餘之家率務豐殖於是富者日富貧者日貧而所謂鰥寡孤獨瘖聾跛躄之人益無生活之路按圖志郡舊有養濟院一區特不過矮屋三數間今轉爲馬廐不惟實亡名亦亡矣昨以省務酒額併歸公庫屋宇空閑遂行修葺改爲廣惠院存留此等無歸着不能自存之人仍撥田畝以充養贍專委官提督欲使寒不致凍饑不致餒老者以待其

盡少者以俟其長庶幾壽夭不致橫亡其間
寧無很暴不可禁止者每五十人置一甲頭
且以三百人爲率總爲六甲專募一行者以
供灑掃之職仍總以六甲之權今條劃約束
如后

一凡有藝業自能手跡曾經過犯不律之
人並不許存留如覺察得知一例

坐罪

一或有不思凍餒之無歸一時飽暖恃長
凌物恃強凌弱攬衆敗羣者仰管

院行者指名從公申舉輕則從提督官戒約重則解府逐出永不存

留

一每一大口月給米六斗錢一十貫一小

口

五歲以上月給米三斗錢五貫
十歲以上月給米四斗錢七貫

十五歲以上
從大口給

一每甲擇稍強壯者充火頭量增日給如

或偷竊減剋即時申舉從提督官

解府斷逐仰甲頭行者嚴行監董

一監董行者能自勤謹仰提督官會計度

牒之直以三年爲限每月於見管
錢內令項撥樁若干待及三年收
買度牒付其披剃披剃後願留則
留不願留則別踏逐人管幹所有
度牒錢亦照前例撥樁庶可責其
公心幹置

一甲頭責其鈔束火頭責其造辦飯食於
日給之外每名貼支錢五百文

一所給之錢專充收買薪菜鹽醬之屬冬
月不許各人偷爬炭火有妨造辦

每日酉牌打滅厨下火種不許存

留引惹風燭

一糞土仰甲頭五日一次出賣候賣到錢均給諸房油火有餘則椿積一處逐旋收買布草夏則造爲罩子冬則添買綿絮造爲布被或買紙被計口分給其有故不愛惜爭奪損壞者量拘日給之錢修整

一管院行者月支食米一碩鹽菜錢十五

貫文

田租總數

一每歲管收租米二千三百三十六碩五斗
二升七合

水田一千七百三十九畝二角四步三尺
四寸五分收租米二千一百六
十六碩五斗八合

湖田一百七十八畝二角六步收租米九
十七碩一斗一升九合

塗田六十九畝三角四十二步收租米七
十二碩九斗

鄆縣

水田三百六十九畝一角五十三

步

內連地三十六畝
二角五十九步半

收租米

四百八十一碩五斗一升八

合五酌

湖田一百七十八畝二角六步收

租米九十七碩一斗一升九

合

淘湖田八百五十二畝四十四步

收租米一千碩

定海縣

水田二百九十二畝二角四十八

步一尺七寸

內連地一
角二十步

收租

米三百六十四碩七斗八升

三合

慈溪縣

水田七十一畝二十步半收租米

九十七碩七斗九升

奉化縣

水田一百一十五畝一角四十四步

收租米一百五十五碩四斗
三升六合五酌

塗田六十九畝三角四十二步收
租米七十二碩九斗

象山縣

水田一十四畝三角三步半一尺
七寸五分收租米一十六碩
三斗三升

昌國縣

水田二十三畝三角一十五步并

岑江寨基收租米五十碩六
斗五分

錢總數

一每歲管收官會七萬六千四百五貫一百

四十二文十七界

見錢九十六貫二百文足

省錢三貫一百一十文并一貫文

錢會

拘到山田地屋宇共收租錢

地六十二畝一十一步二尺四寸收租

錢五十八貫七百文足

閩安國租錢在

內官會六百五十五貫文十七

界并錢會一貫文

山七十七畝一十步

內連地

收租錢一

十貫一百五十文足官會一百

五十貫文十七界

田一千三百六十二畝三十一步收租

錢一萬七千四百八十二貫三

百四十二文十七界

屋及地基一十二所收租賃錢一十四

貫五百文足官會二千三百八

十二貫八百文十七界省錢三

貫一百一十文

象山縣抱解沃希崇道士租課錢一
十二貫八百五十文足官會七
百三十五貫文十七界

都稅院合千人納免專知重難錢一
萬五千貫文十七界

本府支撥錢四萬貫文十七界

象山酒務二萬貫文
東門酒庫二萬貫文

租麻皮總數

地三十四畝二十六步

內連田一畝
一角三十九

步收租麻皮四百一十二斤九
兩足秤

租麥總數

地一十四畝二十三步一尺五寸收
租麥七碩百合斗

鄞縣

朱明田六畝三角一十四步租米一
十碩

薛德廣田一十二畝三角二十七步
租米一十五碩四十一

朱氏田一十二畝一十一步地一角
二十一歩租米一十七碩四斗
四升

王逢龍田二十一畝一角五十一歩
租米三十碩七斗

李之秀田一十畝二十八歩半租米
一十三碩七斗六升八合

錢王兩宅田六十七畝一角租米九
十二碩一斗七升八合七酌

繆良田五畝三角二十四歩租米五

碩八斗五升

督大猷田一畝八步地一片計一畝
三角五十一步租米四碩九斗
五升

湯汝敬田四十三畝三角七步地三
角四步租米六十五碩

僧行端田九畝一角五十一步半租
米一十二碩三斗五升

僧行林田一畝一角一十三步租米
六斗五升

史縣丞田一十一畝三角一十七步
租米一十三碩九斗二升七合

八酌

馬式田一十畝一角五十九步租米
一十三碩四斗五升五合

陳萃田一百九十五畝二角四十七
步半共上正租并花利租米一
百二十七碩六斗五升七合八

酌

水田五十三畝三角八步半租米

六十一碩四斗一升一合八酌

湖田一百四十一畝三角三十九步租米六十六碩二斗四升六

合

潘得六田一十四畝一角四十五步

半地一畝三角一十三步半租

米二十二碩三斗一升七合五

酌

王英田一十三畝二十四步及地一

角四十步租米一十三碩七斗

六合

蔣鄉貢田五畝二角粗米六碩二斗

四升

陳安國湖田七畝正租并花租共六

碩五斗六升

湯耜湖田一十一畝二角六步花租

米五碩三斗一升三合

陳子諶湖田一十八畝二十一歩租

米一十七碩

僧善皎田二十畝三角五十七歩

半租米三十碩二斗二升九合
四酌

徐渭老虞埏田七畝一十七步租米
九碩七斗二升

周氏田三畝三角三十九步租米六
碩六斗二升二合

張慶三田二十八畝二角五十二步
地一畝一角二十九步又地一
片租米三十五碩六斗二合三

酌

史厲兩宅分租砂地一十七畝一角
五十六步一寸五分係史通判
幹人沈文兩名分租共納租錢
三百五十貫文十七界

八字橋接待庵基三角租錢四貫五
百文足

李壠地五畝一角二十八步租錢一
十二貫文足

張慶三地三畝五十五步租錢四貫
八百文足

趙永租地一片計一角五十六步租
錢六百貫文十七界

趙端租地一片橫闊一丈二尺深六
丈年納租錢三貫一百一十文
七十七陌

鄭文租地一片計一角一十一步二
尺六寸日納賃錢三貫二百文
十七界年約一千一百三十二
貫八百文十七界

朱諒租賃本院前水步東樓屋一間

租賃錢一百貫文十七界

陳青租賃本院前水步上樓一間租賃錢一百貫文十七界

董輝租賃本院西挾屋一間租賃錢一百五十貫文十七界

張松租賃屋二間租賃錢一百五十貫文十七界

阿顧租賃本院浴院後屋一間租賃錢一百五十貫文十七界

林巡檢屋一間直又舊屋二間并道

頭安船淤坑厠兩眼連地屋柱
為界東西量計五丈南北量計
一十丈租賃錢九貫文足

周復孫砂地二十六畝一角四十八
步租麻皮二百九十八斤九兩
足秤

任允詳砂地一十一畝九步其地被
水衝作溪灘實有地三畝租麻
皮四十八斤足秤

僧行林田一畝一角三十九步地一

畝三角二十一步租麻皮四十
三斤足秤

張慶三地一角四十三步租麻皮八
斤

定海縣

僧姚元聰田一十畝二十八步租米
一十一碩

李氏田三畝地一角二十步租米三
碩五斗

龔明田五十六畝三角四十七步租

米七十二碩五斗一升五合

黃榮田六畝三角五十四步租米六

碩五斗

靈巖義役庄田三十五畝三十九步

半租米四十九碩五斗六升

樓圭田五畝三角零租米八碩五斗

八升

張一飛田四畝一角四十六步租米

六碩六斗九升五合

求煥田五畝一角四十六步半租米

四碩六斗八升

林暉田五十二畝三角租米六十三碩六斗六升

吳宗田一畝三角租米一碩八升

韓文才田一十二畝三角二十七步租米一十一碩五斗八升三合

阿盧田一畝半租米一碩三斗

王珽田六畝二角租米一十碩七斗五升

僧祖淨崇玟田二十七畝一角五斗

七步半租米三十七碩八斗七
升五合

王佑田二十二畝一角五十九步半
一尺七寸租米二十九碩五升
五合

王與直田一十三畝二角租米一十
七碩五斗五升

滕錯田二十五畝三角一十三步租
米二十七碩九斗

方安瑤山一片計三十九畝租錢七

貫五百文足

黃榮地一畝二角三十三步租錢一

貫七百文足又五貫文十七界

定海淘湖田計二十六畝三角一步

租米五十三碩二斗五升六合

四酌五抄每碩折錢五十貫六

十七界計二千六百六十二貫

八百二十二文十七界係定海

縣抱催起解

定海舊海塘田一千九斗畝一角每

畝元納米三斗新海塘田二百
四十五畝三十步每畝元納米
二斗兩項共計一千三百三十
五畝一角三十步奉 鈞判合
納三斗者減免五升只納二斗
五升合納二斗者減免五升只
納一斗五升續奉 鈞判每碩
折錢四十八貫文仍以爲定例
米計三百八碩七斗四升共折
錢一萬四千八百一十九貫五

百二十文十七界

奉化縣

王鋼田一畝三角三十步租米二碩
九斗二升五合

盧上舍田八畝三角一十三步半租
米七碩一斗五升

張撒之田五畝五十三步半租米六
碩五斗

常浦墾田三十二畝并竹塘地基租
米四十三碩一斗二升五合

澤州府志卷四
僧善皎田七畝三角三十四步租米

一十三碩九斗三升七合

蔣文仲田二十二畝二角四十七步

租米三十五碩二斗三升

張汝弼塗田三十畝租米三十三碩

張慶三田三十六畝三角四十二步

租米四十六碩五斗六升九合

五酌

周大倫塗田三十九畝三角四十二

步租米三十九碩九斗

閩安國園地上有竹木等并內有油
車屋三間木椽瓦蓋租錢五貫
文足

袁起巖山五畝租錢一貫四百文足
應思鉉苔地一十八畝三角一十八
步租錢一貫文足

鍾秀實侵占奉化酒坊基二十六步
租錢三百貫文十七界

僧善皎地并新開田共七畝二十一
步半租錢二十四貫二百文足

張慶三地二畝一步租錢一貫文錢

會

張慶三地三角五十五步租麻皮一
十五斤足秤

僧善皎山三角租錢五百文足

慈溪縣

方怡田二畝二角四十四步租米三
碩七斗七分

顧友十九田五畝二步半租米六碩
五斗

張鐸田八畝三角七步租米一十碩
四斗紅白米各半

陳允璣田一十一畝三角三十步租
米一十六碩五斗五升

許千三田二十三畝三角五步租米
三十一碩五斗九升

璩閏三等租佃陳萃田六畝二角三
十四步租米七碩四斗

孫伯恭田九畝三角四十三步租米
一十七碩一斗六升

張氏兒田二畝一角三十五步租米
四碩四斗二分

羅濂地一畝二角租錢三貫五百文
足

阿陳桐竹山二十八畝係二片及地
二角上有草屋二間一舍租錢
一百五十貫文十七界

羅辛一等屋二間并基地半片計一
角三十步租錢二貫文足

象山縣

謝元五等租佃謝宗五等田四畝三角四十步一尺七寸五分租米五碩三斗三升

朱榮伯田七畝三十二步租米六碩五斗

僧子臯田二畝二角五十一步半租米四碩五斗

沃希崇道士田二十六小坵并地一小坵租穀二十九碩四斗及山地二十九項租錢一十二貫八

百五十文足不該畝步係象山
縣抱催起解內租穀每碩發錢
二十五貫計七百三十貫文十
七界

謝元五等地六畝一七一步半二尺二
寸五分租錢一貫五百文足

謝元五屋一所計三間七架並係木
椽瓦蓋并地基計三角四尺四
步租錢三貫文足

謝得六屋一間一挾木椽瓦蓋地基

計一角三十四步五尺租錢五百文足

謝元五地四畝三角四十八步一尺五寸租小麥二碩百合斗

謝元五等山三畝三角一十步租錢七百五十文足

昌國縣

陳合田六畝八步租米六碩五斗

趙時舉田八畝五十二步租米八碩四斗五升

朱千十一娘田四畝一十五步租米

四碩五斗五升

應璩孫田五畝二角租米七碩一斗

五升

岑江寨基租米二十四碩

陳合地九畝三十五步租小麥五碩

百合斗

兩獄

大使丞相判是邦也古鏡燭天奸宄削迹庭無
留訟獄無滯囚故囹圄時空虛然聞左右院
不葺者數十年廳戶老朽頽仆開慶元年六
月亟命修之易其老且朽者植其頽且仆者
䟽湫閉補罅漏俾縲紲者可免疾疫矣兩院
總費錢一萬八千四百八十九貫二百五十
文米四十四碩六斗九升七月七日司理陳
利用浚井於獄廊得石碑一乃紹興二十九
年六月僧智亨可父鑄梵呪以納於井泉本

寒冽自出此碑并遠苦不可及復投之泉甘
如初亦怪矣哉因附書之

廂院

本府舊無廂院附之牢城然牢城古之園土囚
有濱死而獲宥者則繫於是不得與齊民齒
齊民有訟于有司兩造未備無親若故可保
識則寄之廂以防寬逸乃與城旦之囚伍雜
處穢汗間斃於疫豈

國家愛民意哉寶祐四年九月

大使丞相吳公始至惻然矜之委僚吏即醋

庫舊址勅建廂院爲屋凡
楹外植垣墻
內列戶牖男女異室如民居然且擇老成吏
卒廩以粟俾幾其出入云

兵馬司

開慶元年七月

大使丞相旣修兩獄因念牢城損圯尤甚乃
撥錢四千五百七十五貫二百文米八碩六
斗八升併爲葺治囚者便焉

架閣庫樓

樓在設廳之東西廡案牘充棟山積歲久弗葺
淋炙日甚

大使丞相謂兩司文書官藉以攷舊比委之
類簷敗閣以便去籍者之姦可乎開慶元年
七月更而新之總二十有六間其擇材鉅其
用工精書皮上分東會下列自今挿架整整
圖籍之儲得其所矣凡費錢三萬一百一十
一貫三百文米七十碩一斗